



Na osnovu člana 69. stav (1) tačka b) i stav (2) tačka e) i člana 70. Zakona o javnim nabavkama („Službeni glasnik BiH“, broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 29/18 i 25/20), na preporuku Komisije za nabavku od 04.05.2022. godine, Centralna izborna komisija Bosne i Hercegovine je na 20. sjednici održanoj 19.05.2022. godine, d o n i j e l a

O D L U K U **o poništenju postupka**

(1) Poništava se postupak javne nabavke usluga **LOT 2 - štampanja koverata i oznaka za biračka mjesta**, izvršen primjenom otvorenog postupka za dostavu ponuda broj: 07-2-16-3-91-3/22 od 31.03.2022. godine jer su cijene svih zaprimljenih ponuda znatno veće od obezbijedenih sredstava za predmetnu nabavku.

(2) Obavještenje o poništavanju iz stava (1) dispozitiva ove odluke objavit će se na „Portal javnih nabavki“ u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacioni sistem „E-nabavke“ („Službeni glasnik BiH“ br. 90/14 i 53/15).

O b r a z l o ž e n j e

Postupak javne nabavke usluga štampanja i pakovanja izbornog materijala za Opće izbore 2022. godine, **LOT 2 - štampanje koverata i oznaka za biračka mjesta** proveden je putem otvorenog postupka za dostavu ponuda. Obavještenje o nabavci objavljeno je na portalu Javnih nabavki, broj obavještenja: 794-1-2-66-3-5/22 od 31.03.2022. godine. U postupku nabavke dostavljene su dvije ponude grupe ponuđača: „Grafomark“ d.o.o Laktaši, predstavnik grupe i Javna ustanova „Službeni glasnik RS“, Banja Luka, član grupe i ponuđača „Grafika Šaran“ d.o.o. Sarajevo.

Komisija za nabavku imenovana Rješenjem broj: 07-2-16-3-91-2/22 od 20.01.2022. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-91-14/22 od 04.05.2022. godine je u prilogu ove odluke) i utvrdila da dostavljene ponude ispunjavaju uslove propisane tenderskom dokumentacijom. Nakon provedenog postupka e-aukcije utvrđeno je da **ponuđena cijena od 48.256,00 KM bez PDV, odnosno 56.459,52 KM sa PDV** ponuđača „Grafika Šaran“ d.o.o. Sarajevo, kao najpovoljnija za predmetnu nabavku, znatno prevazilazi procjenjenu vrijednost nabavke predmetnog lota koja iznosi **34.100,00 KM bez PDV, odnosno 40.000,00 KM sa PDV**.

Shodno navedenom, Komisija za nabavku je predložila Centralnoj izbornoj komisiji BiH donošenje odluke o poništenju ovog postupka u skladu člana 69. stav (1) tačka b) i stav (2) tačka e) Zakona o javnim nabavkama.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku: Žalba se izjavljuje Centralnoj izbornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-91-16/22
Sarajevo, 19.05.2022. godine

Dostavljeno:

1. Ponuđačima
2. Odsjeku za materijalno finansijske poslove
3. na internet stranicu CIK BiH
4. a/a

